



Evropska unija

ENERGETSKI PAKET PODRŠKE EVROPSKE UNIJE BOSNI I HERCEGOVINI



Evropska unija je izdvojila **milijardu eura** za pomoć zemljama Zapadnog Balkana u rješavanju srednjoročnih i dugoročnih izazova energetske krize. Ova podrška ima dvije komponente i to **trenutne** podrške od 500 miliona eura i **srednjoročne** od dodatnih 500 miliona eura.

Energetski paket podrške se finansira iz Instrumenta za predpristupnu pomoć (IPA) III i uključuje hitne, kratkoročne i srednjoročne mjere s ciljem pomoći stanovništvu i privredi na Zapadnom Balkanu.

TRENUTNA PODRŠKA

Polovina sredstava iz paketa vrijednog milijardu eura predviđena je kao podrška u vidu bespovratnih sredstava za ugrožene porodice u suočavanju sa visokim cijenama, kao i mikro, malim i srednjim preduzećima i domaćinstvima u poboljšanju energetske efikasnosti.

U okviru trenutne pomoći, **Bosna i Hercegovina će dobiti 70 miliona eura** kroz budžetsku podršku, sa planiranom distribucijom u tri komponente:

- Prva komponenta je pomoć ugroženim porodicama u suočavanju sa posljedicama visokih cijena, uključujući i rast cijena energenata, sa izdvojenih **50 miliona eura**;
- Druga komponenta je podrška domaćinstvima u poboljšanju energetske efikasnosti, sa izdvojenih **10 miliona eura**; i
- Treća komponenta se odnosi na podršku mikro, malim i srednjim preduzećima u poboljšanju energetske efikasnosti za što će biti dostupno **10 miliona eura**.

SREDNJOROČNA I DUGOROČNA PODRŠKA

Realizacija preostalih pola milijarde eura iz paketa za Zapadni Balkan planirana je kroz grant sredstva za investicije za podršku energetske tranziciji i energetske nezavisnosti, kroz poboljšanje infrastrukture za plin i električnu energiju i interkonekcije uključujući i ukapljeni prirodni plin.

Ovi grantovi će služiti i kao podrška izgradnji projekata obnovljivih izvora energije i provođenju mjera energetske efikasnosti kao i poboljšanju sistema elektroprivredne, grijanja i shema za energetske efikasnost u starim stambenim objektima.

Ovi grantovi će biti dostupni kroz Ekonomski i investicijski plan Evropske unije.